

## Aurora AkKigiataumajumik Aujami Kinijagamut, Tugâgutiulluni SuliaKanitsak

Aurora Energy nakutsajuk Kinijatitsigiamut ujuganniagatsanik aujami 8-wogini suliaKajuKatillugu taijami Michelinin nunangani. SuliaKanniujuuk pigiasijutsak Auggos 8th amma suliaKatitsiluni 25-nik ilaullutik suliaKainnatunik. Nigiugijaujuk pijagepvisak October 3rd. SuliaKagamut pigunnaudet angittausalittut Nunatsiavut amma Prâvinsiup kavamanginnut.

“SuliaKauset tugâgutilet nunami suliaKannimik, utsualuKautinik pitaKapvisak angiligiattauninga amma atuinngatjini ukiumi putogigiamut 2014-nami,” uKajuk John Jory, Aurora Kinijannimik Aulatsijinga. “Ilautitsijuk nunangualiunnimik amma Kaujisannimik iikajugunnatunik uvattinik putoggatsasiugiamut ukiumi amma aujami 2014. Akunimut pannainik akikillititsigajattuk sakKititsigiamik putogipvisannik.”

“AllaKattaniagivugut ujuganniataumajunik ukiumi 2013 sivuligunnatumik sivunitsami putoginitsamut amma ikajugiamik nunaligijittinik tukisigiamik Michelin-imi ujuganniagatsanik. Amma, pannaigutiKavugut pijagegiamik adjigengitunik sananinik ikajugunnatunik suliaKausivut sivupigiamik.”

kenaujait Kipijausimagaluatilugit nunatsualimâmi ujuganniagatsasiunnimi Paladin Energy Ltd, Aurora anginippaujuk, aujami putogijuKaniangilak uKausiulaugaluatilugu Jonimi.

Piulitsigasuanik sivullipautitaunginnaniattuk pannaigutiKannitinni ukiumut 2014 putoginnimut. Akingit Kâjotsatalet akikittugaluatilugit piusigijavut malingatsiagialet pigasuattanginnik Paladin akitsait ikullaumitigasullugit.

AkKigiattaumajuk aujami suliaKanitsait piunippâmik akungani Aurora tugâgutinginni amma piusigisimalangajavut inunnut kenaujaliugutinullu Labradorimi. Aurora angittaumajugaluak suliaKagamut Paladin atusimajuk putogiutitsanik asinginni suliaKausiujuni Michelin piusigigumajanga Paladin KinijanniKaniatilugu pilagiullunilu kampanet sulluliunnisanginnut sivunitsami.

“Ilitatsisiavugut naluliumautinnik pillugu 2013-nami ujuganniagatsasiunnik,” uKajuk Mr. Jory. “Aurora kitsalauttuk kenaujait Kipijaummata Jonimi, nakutsavugut tigusigunnagiamik tapvani jârimi suliaKausitsanuk. Nakummevugut nunalinnik utakKiungulingamata pannaisialluluta suliaKaKatigegiamik Kanuigata pitsialuta aujami suliaKajuKanningani.”

Kanuittailinnik tungaviuniattuk suliaKapvitinni amma kamatsiagasuanik KaujimaKatigennimi tapvani suliaKanniulangajummi.



Geotechnician Ryan Pottle allajuk putogijausimajunnk Michelin-imi Kinijapviujumi ujuganniagatsanik.

## Michelin Aujami SuliaKanniugumajuk -Utinnik Piusiugumajunnut

SuliaKannik tungaviujk pitsiagamik ujuganniagatsasiunnimi. Tunisijuk nunaligijinnik, Kinijattinik amma suliaKattinik pivitsaKatillugit Kaujisagamik ujuganik itjunillu suliaKapviugumajumi, katitsuilutik ottugautinik, amma nunangualiullutik, Kaujititsiutet pivitsaKatitsiniattut ujuganniagatsasiujunik piunitsamik napvágiamik Kájotsatalinnik napvâtaugajammangâta piunippânilu putugunniugajattunik.

Aujami, nunaligijillagivut, Steve Barrett amma Alex Otto, sivulilâttok sitamanik suliaKattinik kamagamut Michelin-Rainbow Trend (MRT), takinilik 8x3 km ilautitsijuk unuttunik Kájotsatalinnik Kinijapviugajattunik. kamagillugu nunak Kanuigani

amma pitsianikkut, suliaKattet iniKalâttut tingijonut utipviusonut Auggosimi.



Aullâsimavimminimi, suliaKattet maggolingalâtut, ikinnisaugatik, KaujimaKatigellutillu Michelin aullâviani atullutik aullasonik fonninik amma nâlautinik.

Unuttuit suliaKauset kamagijaulâmmijut tapvani jârimi: sanajauningit nutât putogivitsait ukiumi 2014, angiligiallugit utsualunik pigiakKaivet 200-tinit 500 hontanut utsualuKapvinut (ikajutsiluni pannaigutittinik aujami 2014 utsualuit aullâvimmut atullutik tingijonik 2014 ukiumi), angiligiallugit suliaKapvet, sanallutilu nutâmik illumik initsamik ujuganniataumajunut utakKilutikaullatitugiannut KipukKamut.

## Kimmigunitsaujuk SuliaKapvimi Piusiujunik

Nunanguak atâni takutitsijuk nunamik Aurora nunangualiusimajanginnik Kaujisapviusimajunillu 2012-13 (senannak). Aujami, suliaKalâkKugut iviujammi, angiligiallugit Kaujimausivut ujuganik amma nunaup ilusinginnik Michelin-Rainbow Trend kamagamik nunanguamik amma sakKititsigiamik nutânik putugivitsanik.

Aupaluttami nunami, kamagiallalâkKugut nunanik, suliaKattivut pisuKattatillugit Kaningilinimmut 288 km 8-wogeni suliaKajuKanningani.



SuliaKajut suliaKaKattajut akuni ulluni, aullasimallutik aullâvimmit. Pannaigutausiagialik pitaKatitsialugillu.



## Aurora SuliaKatingit kinakkomangâta

### Lela Evans: Inositsiaginimut, Kanuittailinnimut amma Avatinik Aulatsijik

Inolisimajuk pigutsaluni Makkovimmi. Labrador, Lela Aurorakkunesimajuk 2008-imit. SuliaKausigilauttanga pijagegiamik avatiliginimik avatet kamagijauninginni Michelin SuliaKapviujumi. Michelin SuliaKapviujuk Kinijapviulâmmat, Aurora sivuppiasimatsiajuk pigiasipvisammik, taimaimmat nogiatsivugut 2014-namut. PivitsaKatitsijuk Lela-mik angiligiatsigiamut suliainik Aurorami.

“Tapvani jârimi suliaKaliaKilaukKunga Inositsiaginimik, Kanuittailinnimik amma Avatiligijinni Aulatsijiullunga. SuliaKausik piugijaga amma ikajutsitautsialunga John Jory, Aurora Kinijannimut Aulatsijinga, John Kanuigumangisiattuk, Kanuittailititsisialuni amma avatet paigijautsiatillugit ilonnaini Aurora suliajjanginni.”

Lela piutsajuk unuttunik suliajgiammini, uKajuk. “ilangat piuginippâga suliaKaKatikka, SuliaKannik aullavimmi inuillu angamiuKatikka, Labradorimi, ajunnamagittuk. SuliaKatsiatet amam alianattut sullo suliaKannalungituk. kinakkutuinnait aullâvimmi pitsiatitsijut suliajgialittinik. PitsatuniKavugut suliaKattiuluta.”

Asinginnut suliajgialimminut, Lela sivulittuk Aurora ilauKatauninganik nutânut suliaKausinnut avatet attutautsialikKulugit Labradorimi. “Mânnaujuk ilauvunga ROLES suliaKausinut. suliaKapvik kampanet, ilautillugu Aurora, katingajut akilittutaugatik salummaisaiigiamut Kimataumajunik nutangitunik Kinijapviusimajunut Labradorimi. Namutuinnak aiKattavunga nunagijaujunut iilanga suliajgiamma amma piugitsialugu.”

Kanuk uKagunnaKa Lela kinakkunut Kanutogutilinnut suliaKagiamut avatiliginimut, inositsiaginimut amma Kanuittailinnimot? “IkKanaluaattuk, sunanik kamagiaKammangâppit suliaKannimi,” uKajuk. “Ilangani alianattojâttut silatâni, ilautitsijuk suliatsaluvininnik kamatsiagiaKallunilu. Pigunnasianik ikajummijuk, nunaligijjuvungam ununngit suliajgialikka ilinnianillu avatiligiamut amma Kanuittailigiamut, Ilinnianet ajunnatojâgajagaluattilugu, Kaningiligiasok suliaKannini amma malillugit tusugijatit.”



Lela (saumiani), Maxine Andersen Makkovimit, amma Jessica Sheppard KipukKamit Michelin aullâviani ukiumi 2013.

## Ukiumi 2013 Piniannusimajut - Kinijannet amma SuliaKauset



Aurora ukiumi 2013 Kinijannimi takutitsijuk 3,300m putoginnimik (putoginnik Kulāni) nunamik Kaujisannet, amma ākKisuinnik imanik amma anitatsaKautinnik.



Suliatsausainnatuk suliaKattinut Michelin aullāvinga ākKisimausellu aputiKakKunagit, UtsualuKapvik, angiligiattaumajuk ukiumi, salummasattauginnialik atugiamik kamagiamilu.



Photo credit: Lori Dyson Edmunds



SuliaKattet tikijut Michelin aullāvianut tingijokkut, nunāllutik sikumut mipvimut Ranjan Lake, saninai aullāviup. katillugit 22 suliaKattet ilaulauttut ukiumi, ununningit KipukKamiut, Makkovik amma Rigolet.

KinijajuKanningani, Aurora suliaKalauttk tungiuggaigiamut ilaullutillugu Labradorimi-pinguaniujunni. NakutsalaukKugut ikajugiamik William amma Douglas Jacque Memorial Kimutsikut sālakkumautijunik KipukKami, Makkovimmi Anniaviani Pinguannet, amma KipukKami Makkovimmilu Labradorimi Ukiumi Pinguatet. Ikajutsilaugivugut Tikiaksausugik Ullusiunnimik Rigolettimi amma ilaulluta Expo Labrador aujaup pigianningani.

## ApitsotitsaKaguvit upvalu uKālagumaguvit? Uvattinik Kaujititsigitsi:

Happy Valley-Goose Bay  
tel: 709.896.6777

Makkovik  
tel: 709.923.2204

St. John's  
tel: 709.726.2223

[www.aurora-energy.ca](http://www.aurora-energy.ca)  
[www.paladinenergy.com.au](http://www.paladinenergy.com.au)

**aurora**  
energy to change the world



Ilaliutilik ilanganit tajajumut  
Paladin atingaKatigejunut  
kampaniujunit